

皇明經世文編

皇明經世文編卷之六十

華亭

徐孚遠閣公 宋徵璧上木

選輯

陳子龍臥子 何 剛愨人

吳嘉胤繩如叅閱

葉文莊公奏疏

疏

葉 盛

邊務疏

防守

題為邊務事據等備西貓兒峪馬營周賢呈該兵部
議擬奏准都督楊能建言事理有警着令領軍與大

同宣府官軍互相期約出奇勦殺等因。案查先該都督孫安具奏兵部奏准令于馬營專一操守。今又奏前因欲便遵守。奈緣本營馬隊止有官軍二千四百餘員名。內除無馬官軍五百四十餘員名。令其專一屯種。其有馬官軍一千八百餘員名。又要守城守隘。并長哨夜不收等項。止有一千五百餘人。抑且地臨極逼。逼近胡虜。四通八達。最爲緊要喉襟之所。宣府懷來藩籬。先年達賊犯邊。俱從大小石門樺皮嶺。并獨石等處入寇。所繫非輕。設若有警。本職將領官軍

前去會合出哨，恐賊譎詐，倘有掩襲，聲東擊西，一旦又從本營地方突入侵犯，本營孤懸狄境，人少力弱，外實裏虛，猝無應援，使進退不能成功，必致悞事。況獨石、馬營、雲州等堡人馬，已有欽命宣府副總兵都督等官孫安等提督節制管轄，各城各有分委，都指揮等官職掌，豈敢擅自調領？如有緊急，若領本營官軍出戰，則營堡空虛，缺人守備。若依先奉原議勘合事理，專一操守，則又違慢。今奉欽依，得罪非輕。進退兩難，理合通行具呈，乞爲照詳定奪，庶免悞事。等因。

伏念臣以一介書生，叨受邊寄，藩臣之體，本當奉行命令。但邊事甚大，理難緘口。况周賢所言，亦爲有理。臣更請以周賢所未言者爲 陛下言之。臣聞兵法有曰：知彼知己，百戰不殆。又曰：能守而後可戰。兵法未暇論，楊能獨不知往年獨石馬營楊俊弃城之事乎？獨石馬營口外各堡，俱是唇齒，堅壁足食，足兵。人各專城，別無沮撓。尚且一籌不展，弃城而逃。今大同迤西至右衛，宣府迤東至獨石，相去數千百里，重山峻嶺，深溝斷澗，自口外龍門迤西邊墩之外，別無設

置。一有聲息。動輒梗絕。楊能乃欲以不可測度之賊情。以貧難復守之士卒。以轉輸有限之糧艸。預爲會合之過計。遠赴數千百里之期約。臣誠愚昧。未見其可。其言似乎可聽。其事未必可行。可以動廟堂而不可以欺邊人。可以惑一面而不可以掩衆目。臣與都督孫安等在邊。但知無事之時。愛軍惜馬。修器械。謹烽火。嚴兵自備。慎固封守。酌量人力。增修墩堡。于以制要害之虜衝。于以便耕作之人畜。近又將往年食贖總兵鎮守內外文武官員莊田數百餘頃。一一勘

○與○前○堂○計○實○有○異○同○不○得○一○辨○依○奉

○○邊○上○之○情○形○

出分派貧軍使之分班操練。儘力屯種。以養人力。以收人心。設若旦晚有警。持我之逸。乘彼之勞。守戰隨機。應變在我。使賊欲為久住。則野無所掠。而動止狼狽。欲為南牧。則恐躡其後。而首鼠狐疑。大羊無賴。坐取敗亡。必不使之有得意之日。且幸邊境小康。天年豐稔。庶幾人力稍裕。人心稍孚。以須軍政修明。士氣振作。復仇大舉。豈無其時。而又上賴 陛下盛德。九重之上。根本之地。進君子而還小人。百官之衆。心術之微。戒陰邪而勉忠直。下服人心。上回天意。區區也。

此玩德有在。垣中。選自。意不止。臣論。邊。事。而。已。

先逆賊將呼之而不來。驅之而不行矣。臣迂濶之見。犬馬之誠。端在于此。若如楊能建言。所謂會合天兵。蕩滅腥醜。臣實未聞。古人有言曰。生事邀功。終匪

朝廷之利。願陛下無忘此言。臣又竊有獻焉。今日邊上大事。臣之所憂。蓋不在于宣大之不能會兵。而特在于宣大之官多而不和。望朝廷力爲調停。早爲主張。邊境幸甚。臣非不知和同靜默。可以固位。叟叟忤衆。足以取禍。願以疎遠之跡。受恩深厚。今爲此言。在廟堂爲忠告。在陛下爲獻忠。况國之大事。在

乎兵戎而又爲邊臣之職守反覆思之不能自己乞
勅兵部計議定奪施行

撫服殘寇疏

安撫殘寇

謀得我國家之與逆賊也先誠萬世必報之仇朝
廷念邊儲未克人力未裕故問罪之師未卽興舉
皇上之心卽古先聖王待時而動動在萬全之心也
臣等切照兀良哈等衛達賊在北虜最爲精悍驍勇
及刺等部下人馬皆所不及祖宗以來設衛安插
寬撫得宜不曾爲患後來逆賊也先潛蓄異謀妄加

吞併搶鹵迫逐不能寧居故新北勢之及常生收加之處置乖方或邊將貪

孫類三前次收三耐常使之悔利有名此則禦之

功生事殺掠戕害使之進退狼狽計窮力屈不得已

要廣注

脅從也先。往年道賊入寇。皆此賊為前鋒。蓋一則藉

其。勇。力。一。則。視。為。異。類。一。則。使。之。雪。其。宿。憤。逆。賊。之

得。以。一。時。僥。倖。者。蓋。其。善。用。元。良。哈。殘。賊。故。也。今。聞

賊中有信受也先約束。跟隨往來。為腹心之人者。有

因受逆賊酷虐。偷拐馬匹。前來沿邊一帶。苟全喘息

者。十百為羣。各帶騎馬。家小東西。往來赴逐。水艸打

圍過活。近來邊墩上。瞭見人馬。及所謂野達子。皆此

輩也。臣等竊謂此賊殺之既有可矜。且不足謂之雪恥復仇。不殺則恐在邊日久。窺覘稔熟。又復被脅。歸之也先。其爲患害實是不小。臣等欲乞 朝廷特降安撫。殘寇亦禡諭以 祖宗設衛養之恩。與近來撫馭失所之故。若能糾衆歸順。 朝廷必爲區處安插。腹裡地面。如其執迷不悟。或聽別部指使。沿邊往來。窺覘侵犯。則立調大軍。通行勦滅。上以宣君父之德意。下以離逆賊之腹心。且既得其人。可以先知虜情虛實。因而取勝。亦可養日久之恩。因爲我用。從此聲

罪致討滅恥除兇伏望 皇上特召在廷諸臣詳定
可否務使殘寇見之必堅歸順之心逆賊得之亦無
藉口之釁然後降式施行每面前寫直書後寫夷字
臣等依式刻成木榜選差敏捷夜不收乘夜將前項
木榜離墩三四十里之外有水艸去處安放若此賊
果有生道來降臣等則當另行奏聞處置設若此賊
執迷不省仍復在邊出沒別爲構結侵犯之謀臣等
奏請會兵夾道獎率三軍搜捕殘寇使無遺類如此
庶得問罪有名而受殺之人亦無怨無悔所據大同

皇明經世編

葉文莊疏
卷之二

安撫疏

六

平露堂

宣府等處各邊可用去處亦乞裁處緣係邊情重事
伏乞裁示施行

邊務

八頁使臣

題爲邊務事照得北虜今年進貢使臣于大同陽和
宣府馬營等處分道而來其躡踏路道窺覘軍馬逆
謀奸計昭然可見不待智者而後知也臣切惟進貢
一事中國近年自與戎刺通好以來止是大同宣府
兩處大路許其出入蓋兩處係是總鎮地方錢糧軍
馬蓄積屯聚皆非所屬城堡可比及至臨期又調所

屬城堡軍馬壯觀以振軍威以懾虜心今一旦虜人分道入境如宣府地方馬營又係極邊緊關要路今年亦有虜使從此入境若不與之戒約遵守舊規聽其自行來去切恐非惟城堡軍馬被其掣制拘礙難以調發及邊方虛實被其偵伺稔熟他日託此爲由分道入寇重爲邊患且自此以後凡事不循舊規無所忌憚驕蹇縱恣妄自尊大無厭之求非分之欲其爲禍亦豈小哉臣在宣府館待入境使臣那哈赤及卜花奴侍郎時曾問及以爲爾等今歲來朝不依常

年事例不循入境故道各邊分道入貢或稱係也先使臣或稱係各衛使臣其皆也先使令主張或自各衛各自主張有那哈赤等答以並不係也先使令主張俱自各衛各自因其所住地方取便入來等語臣惟此言譎詐雖不可信而機會則有可乘臣議得前項事情干係邊務乞勅兵部將前見在京使臣諭以常年事例入貢故道使之遵守照舊俱從大同宣府出境仍行口外馬營所收弓箭着落原收官員送至宣府聽候原來使臣回日交割仍乞 聖明于使臣

回還之日、通行請勅也先、今後務遵舊規、戒約部屬、凡有進貢使臣、各要仍從大同宣府大路入境、若仍似今年聽從各衛部屬擅自主張、各因所住地方、取便分投入境、卽係犯邊、已令邊將俱不放入、止知按兵廝殺而已、如此庶使虜酋知愧、奸計莫施、而背約違盟、其曲在彼、唯 聖明留意、

捷音疏

兩廣盜賊

以下文莊巡撫廣東時所

題爲捷音事、先次大藤峽等各處擒殺首從賊徒三千二百餘級、于天順五年十一月二十六日馳奏、訖

續該會官諫得兩廣賊巢。大概以交界江路龍山大
藤峽五屯等處爲中路。柳慶爲西路。曹村木頭峒高
肇等處爲東路。連賀爲北路。其北路會合湖廣另行。
卽今我師總管見駐中路江上。緊抵大藤峽賊巢。居
中節制各哨。調度諸軍。節次殺獲數多。嚴兵困守。且
勦且撫。山老人等詣營乞免訴。係平民被脅。情願領
牌。向化者絡繹不絕。蓋賊之腹心已傾。巢穴已破。西
北兩路賊謀旣伐。賊胆俱寒。連日分調南北二哨。痛
勦龍山等處。俱已克平。軍威大震。地方稍寧。其高廉

間有出沒、多係舊年越過流劫之賊、五屯等處係兩
廣切近災害、潮州山海賊徒尤當乘早撲滅、俱合分
兵搜勦、該征夷將軍總兵顏彪等、各于天順五年十
一月日期不等、分投躬親督率兩京漢達、并江西湖
廣沿江等衛所兩廣官軍土兵民壯、欵夫報効官吏
人等、直抵潯梧廉潮等府靈山程鄉平南貴縣五屯
大同等里曹邨等處、通年爲惡有名賊巢、攻勦、有各
賊攜妻負子、奔入高崖峻嶺、深菁密林、結爲巢寨、築
立排柵、四圍挑坑挖塹、暗下蒺藜荻簽、專恃山險、明

則滾木擗石，暗則裝塘設伏，搖旗吶喊，架弩持標，列陣對戰。其潮州民賊，僞稱名號，妄擬官爵，結聚數多，尤爲猖獗。當督官軍人等，或用計誘致，或攻圍追殺，衝冒瘴毒，伐木運土，搭橋填路，殺敗賊衆，燒燬巢寨。賊徒投崖落澗，溺歿漂流者，不計其數。節次解送捷報前來，通查得擒斬過首從賊徒，廣東潮州府首賊羅劉寧、張幅通等，木頭峒等處首賊劉公照、劉公陋、劉公懇等，廣西五屯等處首賊周優、王貌度等，龍山等處首賊陳公壇、覃公仲、王文齊、覃公臘等，功次案

候類奏，仍行撫安驚疑，并脅從向化夷民，及催督各哨，作急追勦，未獲餘賊，另行外，臣等復會同各官，恭照兩廣盜賊叛服不常，數年以來，愈加猖獗，固內地方官軍不能擒殺，亦由兵力單薄而然。且如龍山已該一十餘年，不曾用兵，比先用兵，每年所得或幾十餘級，或數百餘級而已。今年旬日之間，斬殺二千餘級，大同五屯等里，俱係大山長谷，高崖陡澗，彼處被害父老，迎接王師，以爲從小至老，不曾目見，以此蠻賊知懼。一聞神機銃響，轉疑天雷迅殛。一見明盔官

皇明經世編



纂文萃珠

卷之十

平寇堂

軍。輒稱白帽天兵。聞風震懾。無處逃生。乞免來降。救

歾不暇。出師將及半年。所向靡不克捷。此皆仰賴

皇上神功 聖德所致

地方事疏

議置將官

題為地方事。准鎮守廣東副總兵歐信手本。天順六年十一月二十九等日。節據各處飛報。廣西流賊分宗。水陸前來肇慶新會等處流劫。且聲言劫掠官窰。廣城等因。謀得兩廣。先年止有廣西猺獞。久為民患。因有征蠻將軍掛印鎮守。後因宣德以來。廣東官民

不爲後慮。招引廣西獍蠻越境佃種空閒田地。自此漸生流賊。勾引出沒。近年廣東黃蕭養作耗。始設副總兵鎮守。查得獍蠻賊二十餘年來。攻破兩廣州縣。二十餘處。雖卽還散。修復軍民受害已極。前年廣西攻破非流藤縣。廣東流劫珠池官窰。事勢危急。伏蒙欽命大軍特下。斬首萬餘。今半年之上。僅得稍寧。軍民稍甦。不料今秋廣西自撲古河毛峒賊。遂驚疑扇動。又聞復征。各拋棄巢穴。流過廣東行劫。與昔無異。臣等切惟廣西賊巢。其于附近鄉村人民屢經遭劫。

家既貧薄。又多防備。兼之本處官軍。時常與賊廝殺。素號強勁。又有土兵狼兵。賊頗知懼。其廣東地方。比之廣西。數倍寬濶。山川隔遠。經賊尚少。富庶猶多。人民輒弱。兵力亦然。且全無土兵狼兵。其所在官軍。僅勾守城。所以流賊行劫。如蚕食桑。廣西已徧。潛過廣東。避強就弱。由近及遠。蓋亦理勢之常。又兼兩廣將官。各無統攝。東省惟曰廣。西流賊貽害廣東。失機之罪。廣東受之。西省則言各守地方。止能本處勦賊。不能照管別境。東省若謂廣西撲勦。致賊流劫。西省則

言界內賊徒如何不勦甚至廣東以西將爲放賊廣
西以東將爲怯懦謗毀日增遂成嫌隙爾我不顧若

非臣等極力調和誤事不待今日今臣等看得廣西

駐劄梧州以控御兩廣今則移填肇慶

以後制臺

梧州府是兩廣交界地方北抵會城南抵交趾程各

半月東抵廣東省城順流而下僅逾七日最爲緊關

中路控扼兩廣喉襟之地流賊往來必由梧州北南

兩江水面偷度因無將官重兵總制其間又因先年

原守廣西地方貴州湖廣官軍一萬五千俱不赴調

舊守營堡俱各廢棄以此不能守把賊人肆志伏乞

皇上特勅該部會議合無于梧州立爲帥府掛印征蠻將軍總兵官鎮守節制兩省會官專管軍馬盜賊事務其兩廣各止設副總兵一員廣西柳慶潯梧等處照舊設立左右叅將二員廣東高雷廉州設左叅將一員肇慶韶州設左叅將一員悉聽鎮守總兵官調度如此庶得耳目一新號令丕變將權歸一地方行事纔得爾我相和彼此相顧實爲經久便益謹題

邊方用人疏

添設叅贊道

以下文注爲宣府道，當時所上

題爲邊方用人事照得宣府地方控禦胡虜切近京

師實爲北門屏蔽。而口外獨石赤城等八城堡孤懸境外。尤爲宣府重地。往年逆虜入寇。守將匪人。雲州失守。人心動搖。從而掣回獨石馬營人馬。以致憑陵無忌。直犯居庸。使當時八城得人固守。必不至此。由是觀之。其爲重地可知已。但八城相離。宣府窺遠。蓋自正統景泰以前。俱用副將分鎮。仍有文臣一員在彼。協贊行事。故得事體周當。兵食有方。前行之已有明効。然所用文臣。又必管理軍中事務。若止管糧。亦爲非便。今看得彼中分鎮右叅將都指揮黃瑄。號令

頗嚴。素有執守，可謂得人。惟無文臣協助辦理，未免規畫未周。臣雖濫叨巡撫，不能專在彼處。即目虜酋變詐，聲言入寇，且龍門所侵犯二次，獨石馬營累有奸細踪跡，雖即退回，其謀不測。緩急之際，難保無虞。訪得監察御史張鵬，曾經巡按口北，戶部郎中王育曾在赤城管糧，兩人俱負才能，俱有潔操。口外軍人傾慕風采，臣一介庸腐，素不知人，但薦賢爲國，區區寸誠，可對天日。伏望 聖恩軫念邊方重地，用人重務，特勅該衙門會同看詳。臣言倘無妄謬，將各官定

奪一員。邊堡設參贊道不常銓序也故要詳定仍照往年事理。賚勅前來管事。兼管糧儲。則邊方之幸也。

職事名目

官牛足邊久計疏

耕種官田

題為官牛足邊久計事。案照先該提督守備周賢奏稱。聲息不絕。乞將口外獨石等處。先年領銀四千九百五十兩。買到見在官牛一千八百四十五隻。共六百五十二具。馬步每隊量留一具。共牛三隻。摘撥軟弱軍人養種。照例上納餘糧。買補馬牛。措置軍裝。賑濟貧軍等用。其餘俱給與缺牛原額屯軍。并復業舍

餘領養等因、奏奉

英宗皇帝聖旨、該本部欽遵、查

得前項官牛、係是本部議行、并總督邊儲右僉都御

史李秉建議、節次奏准、行令彼處監收糧斛、叅政等

官葉盛督運、勘給整理去後、緣前項牛隻、給與各軍

自種、均收餘糧入官、易買馬匹、措置軍裝等項、本以

優恤邊軍、且耕且守、今叅將周賢、奏稱前因、未審有

無、相應合行彼處總兵等官、會議前項牛具、如果獨

石等城堡軍人、領種上納餘糧、聽候買補馬牛、措置

軍裝等項、於軍有益、仍照舊例施行、若是有妨各軍

操守就便取勘原額缺牛屯軍及復業舍餘從公給
俵耕種等因具題奉 英宗皇帝聖旨該總兵官都
督楊能議得且耕且守經國遠謀不可輕廢況且大
同宣府自經兵以來人畜蕩盡田廬荒蕪幸而 朝
廷大發帑金特差京官于河南山東等處買牛給發
以爲足邊之計其數不敷又發邊庫官銀克買數年
以來邊儲稍積人得聊生夫何法立方行便益良多
而立法之人去尚未遠何乃奏稱勞軍未便要行改
廢今會議得未可遽弃合照舊例施行等因在卷臣

今會議得。臣等于成化元年分。通查得前項口外并
宣府合屬地方。先年原買前項官牛。共該五千餘隻。
中間有例前例後倒歿老弱變賣。不曾買補。及官員
役占倒歿之數。俱各查勘得出。設法陸續買補。又將
舊有餘糧添買牛隻。見在共分爲一千八百餘具。嚴
行叅將等官。督令各該守備堡等官。摘撥馬步隊無
馬軟弱不堪出戰軍人。那兌給領耕種官田。今年雖
有災傷。亦頗收成。查得軍中騎操戰馬。自天順八年
正月二十二日詔書例後。至今年九月十五日止。各

哨征傷架砲倒灰應該買補還官騎操官馬。共該二千六百餘匹。此係緊用征操。每匹或用銀七八兩。或十餘兩。纔可收買。常年各處俱于原領軍人名下杖併買補。中間貧苦邊軍。計窮力屈。朋合科斂。或不得已而典兒賣女。又不得已而除糧扣糧。究竟馬匹難完。十欠六七。軍士逼窳。十常二三。上下難爲。公私俱困。今年因有前項官田餘糧。設法銀兩。頭運差人于山西保定等處買馬。約一千匹之上。即今秋田粗細糧食。量除牛料子種等用。次運再行發買。雖有欠馬。

文莊在鎮專以官田所收餘糧制買馬匹修築城

計亦不多。而官府不煩杖併之勞。貧軍不知朋合之

望確有成驗

苦。不動聲色。遷事可了。此皆官牛官田所致。明効大

驗。然非英宗皇帝日月至明。戶部當時奏詳明白。

宣府總兵等官楊能相。玉徐敬等。力持公論。則良法

美意。廢壞久矣。臣等切惟立法非難。守法為難。蓋任

官用人。更代不常。而流言異說。易于搖惑。伏乞聖

明。特勅該部計議。前項軍中官牛官田事宜。請勅宣

府邊方守臣。著立定規。其見在官牛。務要時常禁革

奸弊。用心查點。孳牧設法買補。不失原數。所收餘糧

嚴切稽考買補官馬及買補事故官牛。置辦軍裝。悉濟貧難等用。不許役占侵欺。各官不得假公徇私。因而沮壞。則貧軍有賴。邊事克濟。而先皇帝之良法美意。永永不靡。

修復屯堡保障軍民疏

修復屯堡

題爲修復屯堡保障軍民事。查得宣府各衛舊舊修處冊內。該奉總兵官武安侯等劄付。永樂四年四月二十一日。節該欽奉勅諭。屯堡務要壕塹堅深。日夜遣人望高哨瞭。不可頃刻少怠。欽此。永樂十九年六

月二十七日，節該欽奉，勅各處城池，務要十分整理得堅，屯堡務要修理得停當，擺佈如法，便如一座城一般。朕將親來巡視，欽此。永樂二十年十月初八日，節該欽奉。聖旨，但是沿邊及各難守屯堡，卽將人口頭匹，盡數收拾入堅固屯堡內居住，務在堅壁清野，使寇無所得，必然就擒。欽此。臣等切惟戎狄爲患，自古有之，欲聲其罪狀，則不可勝誅，欲絕其種類，則勢有未可。久安長治之策，惟在備禦之有其道耳。伏願已上。太宗文皇帝勅旨，諄諄，功效可見。自後凡

平日久有司奉行。未免懈怠。正統十四年。達賊侵犯。如河間。涿州等處。因是城池不固。尚自驚疑不守。其餘屯堡不言可知。臣等近因巡歷邊口。詢審年高遐閭。見在庄屯居住軍旗人等。共稱本年賊搶之時。其屯堡或有牆壁稍完。人畜藏躲。在內賊人雖是窺伺。不敢進入。亦得保全。但弃家上山者。不分險易。俱被搜殺。慘毒難言。又如近年毛家溝。達賊入境。凡本庄牆壁完好者。人畜無虞。無牆去處。即被慘掠。以此觀之。屯堡之有益于人多矣。臣等竊料虜酋卽今肆志。

六○崩○之○入○止○掛○村○落○不○攻○堅○城○歷○未○如○此○

搶掠西邊。日下各邊。難保無虞。操軍練馬。固是本等。而修理屯堡。誠亦急務。宜府一方。沿邊一帶。自副總兵孫安修復。至今遞年。於緊關要害去處。修築堡子。通計五十餘座。俱係附近屯種軍民在內。各有梁頭。敵臺。撥軍相兼固守。名曰拒敵堡。亦頗周至。惟是四散及腹裏屯堡。因循年久。牆壁未完。愚民習懶。不爲後慮。若議修築。僉謂勞人妨農。不知一勞永逸。且被賊殺。較之勞一時。妨一業者。其輕重何如。欲乞聖明特勅該部計議。行令嚴督都司衛所屯守等官。

省令此等原有屯堡及庄曠去處。趁此春和土融。及秋成農隙之際。各隨見住居民。大以成。大。小以成。小。或酌量并轄。俱要高築牆壁。脚濶五尺。頂收三尺。其願有築墩挑壕。及申稟上司。築立拒敵堡者。聽各爲保障。晝夜謹慎。有警之時。量賊多寡。或併力固守。或一時躲閃。乘間投入城堡。庶使賊人侵境。野無所掠。且知有備。不敢深入。亦可少紓生靈荼毒之苦。其各邊并非直隸先年原有屯堡。今見在村庄去處。合無一體責成修理。

經畫邊儲疏

糧料利弊

題爲經畫邊儲事。成化二年正月二十六日。欽奉勅。朕惟思患預防。國家至計。近因各處水旱災傷。賦稅減免數多。戶部已行節次議擬通行區畫去後。第恐有司視爲泛常。略不究心。務至爾即督同司府官員。照依戶部節次議擬。淮安保定等府。并兩廣四川。納米事例。通行斟酌。出榜召人。于缺糧去處。上納以備官軍支用。且爾巡撫一方。則一方安危。係爾一身。可不思患而預防乎。凡可以安民弭盜之術。聽爾熟思。

審處而行之，必使人民安妥，盜賊屏息，斯稱巡撫之職。臣竊聞之，經曰：窮則變，變則通。言理道貴乎變通也。唐虞之治，蓋莫不然。我朝列聖所行，多亦從時損益。臣一方雖小，莫非王事，累奉勅旨，曰：聽爾從宜處置。曰：聽爾熟思審處而行之。臣亦自謂苟利國家，不敢避事，但緣邊儲事宜，委官人等，類多拘守常例，惴惴焉，惟是畏懼。該部叅駁，雖欲興利除弊，實難見諸行事。臣謹經畫數事，開陳特勅該部看詳計議，定奪。

計開

一件以陳易新免壞艸束事。臣惟管理錢糧。固是煩難。管艸一事。更無善法。以其難于蓋藏。易于朽爛。故也。邇方艸有二等。一爲備冬。馬軍自備艸。不出通關。餒馬半年。隨馬隨了。於中則有役占懶惰。有馬無艸之弊。一爲預備積聚艸。出給通關。有警方支。不許擅放。但緣邊方俱係小城小堡。中間上納堆聚。旣無京師慣熟之人。其或警急無聞。軍馬不到。無由動支。雖經年年插補。苦盡坐見朽爛。循環之虛數尚存。在場

之艸束無有。負累收艸官。攢數十餘年。不得了結。或告體勘燒窯糞田。或經赦宥免追免問糜費錢糧。甚爲可惜。前件合無今後不拘常例。以陳易新。抵數收放。且如宣府在城馬軍。隨馬自備艸束。每年不下一百萬束。秋期採打完日。卽令送場上納堆垛。出給通閱聽候。有警支用。別將遠年挨陳艸內。酌量抵數放支。喂馬則備冬之弊。可革。官攢之累。可免。馬得飽騰。艸得食用。新艸得以耐久。舊艸得以支銷。不致委有用爲無用。公私有益。經久可行。

一件收糴糧料，利于蓄積事。查得正統十四年夏季宣府糧料二百一十一萬九千五百九十三石五斗五升，今成化二年春糧數相等，惟是欠少糧豆二十萬有餘，合當多方措置，務及先年之數。及照尚書年富都御史李秉先在宣大時，將官庫銀兩，或春初給發耕種之家，至今還納糧料。或秋期出榜收糴，納獲通關後，領官銀俱隨時價定立斗頭上下利便。蓄積數多，近戶部因防官豪貪利作弊，有例停止。臣惟于港儲有荒條下民遷報難也地方官豪，不過鎮守總兵等官，其各官若敢仍前作

弊既有臣濫叨巡撫又有巡按御史及戶部管糧委
官犯有常憲孰敢容私未可因噎廢食致悞錢糧大
事但須似往年發運官銀纔可勾糴臣先已移咨具
奏請乞發銀前來未奉明降前件合無俯就邊方發
運銀兩仍照舊例許照時糴糧以爲防患蓄積之計
候糴有餘糧該部查照量減山東山西艱難遠運其
利不小

一件暫折遠艸官民兩便事查得宣府預備積塚艸
束正統十四年夏季不過一百萬有零初不以爲少

今成化二年春六百六十六萬七千之上猶不以爲多而恒慮其少者以當時犯邊賊少不動京軍今則賊屢犯邊動調京軍故也每歲坐山西納艸五十萬束草束粗重難于遠運初年本處運來車摧牛斃十分負累近年小民賚價自至宣府地方近者本處遠不過蔚州等處買艸上納州縣科歛盤纏使用其弊已多及其既到或奸貪軍舍或官豪勢要從中包攬其弊尤多入場之草有數彼此之弊百端疲民不勝遠勞官府被其攪擾今年太原縣委官能幹本縣該

納草二萬五千束。每束止收雜銀四分五厘。一併封
赴宣府具告。令其買納。極爲省便。前件合無今後前
項艸束。行令彼處巡撫等官。于本布政司。每艸一束。
折收足色白銀四分。煎銷成錠。委官送至宣府官庫。
交收。候秋收之際。臣等酌量時價。許令諸色人等。先
上艸束。納獲通關。後領銀兩。若遇價高。另行議添徵
補。若價賤。積有餘銀。本庫作正支銷。倘值宣府年歉。
艸少之時。仍令徵運本色。如此庶在官在民。兩得便
利。山西小民。可以少甦。而艸場亦可以絕包攬之弊。

一件量減鹽糧足給馬料事照得戶部先因口外獨石等四倉急缺糧料奏開淮浙長蘆河東官鹽共九十五萬二千三百二十二引止因斗頭太重無人上納臣曾具疏亦已量減若使有人上納亦可得糧四十餘萬今查得自開中以來將及三年止有淮鹽上納過米豆三萬之數其浙江長蘆河東之鹽並無一人告報上納訪得宣府上鹽比之大同不同宣府淮鹽每一千引用銀五百兩以下大同止四百兩以下蓋緣宣府軍衛地窄糧少而產豆更少又兼口外山

路險遠。非大同路道平坦。地方寬濶。人民繁庶。之比其獨石馬營。先因宣府官軍在彼駐劄。殺賊支盡料。至。今。料。豆。十。分。缺。少。又。通。查。宣。府。各。倉。料。豆。視。正。統。間。尚。少。二。十。五。萬。有。奇。誠。爲。急。需。臣。惟。商。民。中。益。非。爲。報。國。其。心。止。于。謀。利。今。至。虧。折。資。本。豈。肯。涉。險。開。中。前。件。合。無。再。加。減。輕。斗。頭。多。定。黑。豆。分。數。令。其。急。于。趨。利。於。居。庸。關。南。大。同。等。處。糴。運。前。來。爭。先。上。納。庶。使。虜。情。不。測。之。際。萬。一。有。警。馬。料。充。足。不。致。悞。事。

一件照舊添設管糧州官事，查得宜府倉場二十餘處，正統間每倉添除衛經歷一員，提調收放，三年考滿，守支盡絕起送，蓋緣錢糧重事，而倉場官攬職小，名輕，易于挾制，亦易于自盜。添一名分稍重之人，互相關防，最爲良法。迨尚書金濂等以各倉屬軍衛管轄，作弊多端，具奏改隸直隸隆慶保安二州，其經歷改作各州判官吏目，倉糧弊蠹十去四五。後經裁減，近年雖爲缺官提調，奏添判官四員，分投收放，但每員分管四五倉，道路往復，勤百餘里，奔走不便，故放

糧等候。則山東山西遠運前來。有停牛歇車買艸賃房。經月不了之苦。欲委衛經歷等官。既妨本等職守。又且不係守支。愈加作弊。查得天順五年。獨石倉官攢爲包攬奸人挾制。虛出通關事發。都御史韓雍委郎中王育前去查盤。虧折糧米一萬七千有餘。切照倉官吏目一員。每年俸給銀布本色米不過二十餘石。今以一倉官攢作弊。幾至虧折邊糧二萬。得失多寡較然可見。前件合無仍照正統間事例。戶部行移吏部。每倉除授判官。或吏目一員。前來提調收放。其

見在判官、就與註定倉分、俱照例收放、滿日起送、如此庶得倉糧弊少、遠運稱便。

陳言邊務疏

邊務

題爲陳言邊務等事。臣以至愚待罪邊方、濫預臺職、十年于茲、顧瑣瑣事功、無能效報、衰病之餘、似忘言責、今略據邊方所見、條列上陳、犬馬之心、芻蕘之見、伏望 聖明、憐其迂腐、而察其願忠、俯賜採納、施行

計開

一件優恤被虜走回人口事、照得各邊虜中走回被

虜男子。在虜年久。或頗知虜情者。奏送赴京。送審畢。御馬監驗克勇士小廝。苦貌陋軟弱。不堪發回原籍。應當本等差役。係是見行事例。臣惟被虜走回之人。俱吾赤子。邊臣不能保障。以致被虜。連年陝西等處。被虜人口。不下萬計。多有父母妻子。已被殺歿。孤子一身。沒入腥膻之地。捶打使令。百般苦楚。故思慕中國。設計逃回。聞有走至中途。被賊捉回殺歿。其走回者。百中一二耳。今者發回。應當差役。倘遇軍衛有司。不知艱難。不加憐恤。差役煩擾。愈加苦楚。致其自悔。

逃回。甚者狡黠之徒，能覘虛實，復走虜地，因而作孽。若宋范仲淹之才智，尚致張元昊叛歸西賊，亦不可不爲之慮。再照走回人口，間有拐帶馬匹回者，因無定例，多令隨同送京，或因走傷中途倒斃，更爲累負，公私無益。前件乞勅該部計議，合無今後聽其自行貨賣盤纏，或令所在官司價買，給領騎操支遞，其走回人口不堪克勇士者，沿途給與口糧，遞回原籍。該管官司識認完聚，除糧稅征操正差外，免其終身雜泛差役，庶使再生之人，知感天恩，而被虜之人，眷

風而歸矣。

一件旌勸大臣事。照得前鎮守宣府總兵官永寧伯譚廣達事。太宗皇帝功在漠北。時號譚家馬。仁宗皇帝命守宣府二十餘年。邊境寧謐。修理邊防。遺跡猶在。後人得以因而整飭。且其公忠寬厚。識達大體。謹壇壝之祀。崇學校之政。至今兒童婦女皆知其爲賢將。然未聞本官得有世襲。臣因而有感。將近年耳目所及。舉其一二。如廣西都督山雲。浙江都督許亨。寧夏都督張泰等。皆有賢名。皆不知其後何如。又

如政事文臣中純誠朴忠如王直胡濙高穀等。清德
正學如儀智薛瑄楊翥吳訥等。風節凝峻如錢習禮
李時勉等。廉恭體國如師遼古朴顧佐王質魯穆李
棠楊信民軒輓王守等。公勤才望如金忠張本魏源
張駿羅汝敬劉中敷鄭埜王佐王恣侯璉徐琦王士
嘉李嘉段民陳璉焦竑金問薩琦王恂張鳳沈翼年
富賈銓等。監學模範如胡儼陳敬宗吳溥等。他如魏
驥陳泰李敏馬謹等。未知存亡。要皆恪盡臣職。出于
流輩。又有殁于王事有足矜念。如都御史等官鄧綬

等亦皆未知其恤典之詳。洪惟我國家有道之長盈百年矣。仁賢輩出。中外大小皆有其人。臣寡陋之下。不能悉知。惟譚廣之賢。後來將臣勲績未居其上。未得世襲。至于文臣先朝曾有贈謚廕敘者。雖曰一時特恩。寔皆可行盛典。且近者朝廷舉行祖宗未行之盛典。凡係文臣見任三品以上官。俱得遣子入監。其卽唐虞三代敬禮臣下之盛心。恩盛渥矣。臣竊聞古人云。死之日。是非乃定。見任官員勞績未極。是非賢否未可前期尚蒙異典。旣歿諸臣未蒙旌勲。恐

非 聖明優禮大臣之心。前件伏請 聖裁。特命儒臣、繙閱累朝紀載、或斷自宸衷、定立程期、大集廷臣、博采公議、內除贈謚、廢叙已備者外、其餘論其行能之大小、勞績之淺深、歷年之久近、取其衆所共知名實昭著之尤、如譚廣、王直等、武臣或襲、或贈謚、文臣或贈謚、或另選用子孫一人入監、或俱令自陳、定奪將見漢晉之報功、至及蕭何、羊祜之妻、唐太宗特官、屈突通、張道源之子、不得專美于前、朝行之衆、觀感激發、爲勸多矣。

一件青籍事。臣近見武經總要四十卷者。宋仁宗命侍制曾公亮等編定。宰臣丁度成之。其爲書兵政邊防略備故事十五卷。自列國以至于宋。兵家成敗。將官得失。皆在焉。俱有據依。非他書比。誠兵將所不可不知者。宋熹亦嘗欲下此書以教武舉。卽今詩書禮樂之將。固有其人。然儲材以爲他日之用。必先教養。乞勅該部計議。請命儒臣看詳此書。略加較定。刊刻模印。分給武學官舍。人人講習。流布中外。誠亦兵戎之一助。臣又惟大學衍義一書。字字著龜。言言藥石。

儒臣進講之餘。聖心默契。所得多矣。臣以爲今日之事。人所知莫先于攘夷。尤莫先于弭災。然衍義所載。辨人材恤田里。正綱常勵風俗。如此等事。馭夷之法。固在其中。其所謂修己之敬。事天之敬。遇災之敬。則弭災之道。又無不備。凡此皆今日所急。况又伏觀五倫書所載。太祖皇帝命侍臣書此于新城內殿。兩廡壁間。曰。前代宮室。多施繪畫。余用此以備朝夕觀覽。豈不愈于丹青乎。又聞楊士奇云。仁宗皇帝監國時。嘗于翰林院取閱此書。卽令翻刊。間賜臣下。

此又 皇上祖宗家法。伏乞 聖神留意特詔近臣
簡會上項書板或別行翻刊。賜及羣臣。將欣戴 聖
恩。感化善道。賢者加勉。不肖者革心。可以使知輔導
之方。可以使變中常之質。亦足以表古人爲君爲臣
皆不可不知大學之深意。皇上之盛德大業無窮
期矣。

皇明經世文編卷之 終

皇明經世

葉文莊疏

書稿

三

皇明經世文編卷之六十一

宋徵璧尚木 徐孚遠闇公

華亭

陳子龍卧子 周立勳勒卣

編輯

周季勳成子參閱

余肅敏公文集

議

余子俊

議軍務事

邊牆一糧草
器具一火器

臣自出居庸關歷覽宣府大同山川形勝仰惟祖

宗設武備宿重兵誠為西北重鎮但經正統十四年

皇明經世編

余肅敏集

邊牆糧草

平露堂

戒嚴之後，虜賊播遷，自遼東以至宣府、大同、延綏、寧夏、甘涼諸處，不東則西，習我水土，擾我邊方。臣等議得：所在兵民委的疲敝，只合先其所急，修理邊備。成化十年，臣巡撫延綏時，曾奏起陝西民夫五萬名，相兼所在官軍，因其地勢，或削山築牆，或築墩挑壑。民夫每名免其遠運邊糧二石，給與食糧一石，兩月之間，邊備即成。到今十餘年，虜賊不敢犯，爲今之計，類而推之。宣府山川比大同險處爲多，若不惜小費，使兩處邊備早成，遇有警急，少煩各兵，不幾年間足償。

請假與馮文○襲專意併○遊靖或又云○築墩無益要○當犯
共○夾險○測○狹○論○一○下○可○執○一○而○言

所費休兵息民實爲經久。今將修邊添官懲惡等事開坐。

一修理邊備。如大同中路起西至偏頭關接界去處止。東西地遠六百餘里。地勢平坦。無險可據。會議得四月五月賊馬多瘦。以往年較之。未能大舉深入。除調集中西二路征操馬步官軍并屯種官軍舍餘人等。做與墩樣。從中路起。隨小邊故址。每二里築立墩臺一座。每座四面。根脚各濶三丈。高三丈。對角做懸樓二座。長濶各六尺。空內挑壕。壑濶一丈五尺。深一

築墩以取土為報

器具火器

丈計用做工人五百土近者十日可成一座姑以一
 萬人十日計之可成二十座一月可成六十座兩月
 可成一百二十座連絡二百四十里各以十人守備
 非但瞭望得真多備鎗砲等器可以四面擊賊以平
 日試打鎗砲驗之可致三四百步今以兩墩鎗砲共
 擊一空中停去處止有三百六十步決無不可擊至
 之理但邊人疲敝除馬隊防護外做工人不多合無
 比照延綏修邊夫例量為優恤仍給口糧及大同東
 路另起一工宣府從西路與大同接界去處總起一

工併力次第爲之。優恤等項一體施行。若兩月內不能畢工。附近山西腹裏人民多因連年荒旱加以供給大同等處糧草貽累逃竄未可望其撮補。乞 勅兵部從長計議。比照景泰年間借用京營軍人擺堡運糧接濟宣府邊儲事例。借撥外衛輪班步軍三萬各備布袋鍬鑿等器。令把總官領來聽臣分撥調度。撥工完得一墩得一墩濟。若聲息緊急兩月滿日卽爲放回。如或稍緩量留過久。照例優恤等項不使失所。或疑二里一墩相隔太遠。如俟下年空內再補。務

期成功。其偏頭關係延綏接界之北原奉。勅諭不
曾該載更乞。勅令山西鎮守巡撫等官將修邊事
理徑自施行。

一關防邊儲。照得大同宣府屯宿重兵。隨處設有倉
場。適年收受河南山東北直隸各府糧草。以備供給
歲用不敷者。動支戶部官銀糶買。正收正支實係軍
國至計。本部年例會計糧草明白。俱令運納本色。如
十分路遠者。聽其徵收輕費銀貨。於倉場附近去處。
糶買本色上納。務要潔淨。有司早獲通關。軍民兩得。

其便近年以來各處官旗諸色人等號爲攬頭預料

思約木色の故受爲難故有現頭等頭候弊の官民俱困而

納戶起程分投差人接至中途巧言哄惑必欲包攬

折色始稱簡便矣然久之之累下の無儀積儲物價騰貴。

撮放訟途供給酒食加意奉承延至倉場城堡住處

則又思木色也

明白令大糧頭主張私自許伊乾納幾石不討價物

逼令小糧頭盡數攬與上納或撒放以至下年了結

俸得價物到手任意花費或克還宿債或代納舊糧

納戶上門動輒倚恃官府情熟明則危言罵詈暗則

隱面潛藏貽患有司坑陷良民臨敵缺乏弊源在此

又有等挾勢賤買或尅減官軍俸糧不行關支就留

在倉逼挾該倉出給實收却行增價關支官銀并攬糧過久因爲有司差官守併通關方與備辦三七四六籠米插和沙土進倉該倉官攢平日被誘吞餌只得收受養軍無惠弊源在此其他料草之弊千態萬狀俱此一律乞勅法司合無今後攬頭有犯盡將產業折剝賠償糧價完日旗軍舍餘人等杖罪以下者照常罪發落徒罪以上者廣西克軍武職官員杖罪以下者調廣西差操徒罪以上者廣西克軍庶使奸貪警懼邊儲完足官軍旣得所養戰陣所向成功

一急缺修邊器具，照得大同宣府地方不產鉄料，即

此上風口所

今修理邊備，合用熟鉄打造鉅鑿、鉄鑿等器，兵民疲
敝無從措置。况近日召募壯勇，已有次第，監甲鎗刀
等件，官無給領，必合成造。乞 勅工部量送遵化所
産或南方熟鉄十萬斤前來分送兩處應用，庶幾民
兵不致貽累。

一急缺神鎗火藥，照得大同宣府原降神鎗硫黃未
到多餘，即日修理邊墩，召募壯勇，重爲地方殄滅虜
賊至計。惟神鎗之藝所向無前，大率湏得神鎗一千

五百餘把。硫黃一千餘斤。方勺兩處應用。乞勅工部奏請。欽定神鎗硫黃各給若干。差官運送前來。交付兩處。見在監鎗內。臣收掌給用。庶幾虜賊不敢南侵。蓋懾服勁敵。百戰百勝。必須神鎗多備。所向無前。及照各邊先年俱各給有手把銅銃。以木爲矢。其長稍似神鎗。一頭以鉄爲鏃。一頭本身三面掏陷。類如箭翎。曾用火藥點放。僅去一二十步。不能遠致。賊前六抵。不如神鎗。以竹爲翎。本身兩頭。不失輕重之數。乞勅再給神鎗一千把。量分大同宣府兩處。監

今在邊境試驗

言之

鎗內臣嚴密收用更將手把銅銃木矢試造以竹爲翎用火藥點放果能去遠今其多造以爲守墩一助勁敵雖衆所至寒心懾服之機或不出此。

軍務等事

邊防

驗得遼東山川險阻林木茂密地方窄狹虜賊間或侵犯難於久住陝西延綏邊備頗固少見賊入寧夏恃賀蘭山之險甘肅止一線之路且屯堡數多賊人不等惟大同宣府一帶山川曠濶水草便利往過來續未有寧歲臣奏准修理邊備訪得宣府墩臺止用

石塊壘砌不用漿泥坐縫又無懸樓臣於本月十四

此刑易千變之

日行令總兵官周玉卽照原發墩樣成造每墩摘撥

操熟神鎗五把砲二箇長鎗四根并弓箭等器共用

守墩人少故用器更宜精利

十人守備非操熟者勿用如果懸樓長木未曾採有

及或採有丈尺不勾者或二根三根接長一根用之

給還官價及令宣府公差都指揮孫成仔細相看大

同輸溝新墩修築方法回還傳說依此而行續據京

營都指揮顧剛等一十二員管領京軍二萬到來臣

一分派地分力亦須慎之

酌量路遠倍勞以近就近分撥宣府一萬三千四百

有零大同京路陽和城六千六百有零。在宣府者本月二十四日上工。在陽和者二十九日上工。令做輕省工役。如剷山挑壕之類。其餘築墩打窩勞甚之事。未曾使令。近因天氣炎熱。本年二月二十五日。令去

○肅○敏○將○作○知○此○細○密○不○必○減○聞○士○行○

渾源蔚州山塲陰林採打懸樓木料。每人日採椽二根。木一根。就山塲堆放。聽候載用。續報達賊近邊。日遣輕騎窺伺。攻墩等項。臣先機調度地方。以獨石爲首。柴溝堡爲尾。軍馬以總兵官所領者爲首。遊擊所領者爲尾。鱗次分布。其一總兵官。其二鎮守巡撫官。

其三副總兵其四遊擊務要聲勢相援會同所在城堡軍馬相兼防禦相機戰守其叅將宋澄所守四海冶等處切近天壽山又在總兵等官會議處置本月二十八日行令總兵官周玉遵行續因宣府墩臺被賊攻圍數多行令總兵官周玉會同鎮守巡撫官赴今賊營頗遠前項墩臺應該作何防禦及早計慮每墩該撥幾人該用何等器械不致墩臺失陷明白回報毋得臨期推托除京營做工官軍二萬令其將所採木料見數堆垛明白隨即放回外候邊事稍寧將

新墩閱實奏報施行

爲軍務議造戰車事

戰車

照得自古命將出師，誅暴禁亂，見可而進，知難而退，進退之間，非車不可。成周之世，如臨衝之伐，崇墉之車之戰，牧野罪人斯得，明效足徵。迨至後世，如武剛車之走匈奴，偏廂車之平突厥，亦皆效其遺意，未嘗不成戰功。仰惟我朝制兵之法，超越前古，凡有征伐，所向無前，但承平已久，正統十四年京師戒嚴，成化十九年大同失利，振揚威武，正在此時，追憶天順

年間臣守西安。曾辦車料。送至寧夏。成造兵車。用無

平涼曠野

不利。至今賴之。臣今奉命以來。熟看大同地方山

利。用車此古法也。

川平曠宜府地方一半相等。門庭寇至。車戰為宜。臣

等議得為今之計。大率以萬人為一軍。戰車伍百餘

○車之用。人挽之所。以之變。古合今。

輛。每輛用步軍十人。駕拽行則縱。以為為陣。亡則橫。以

○又得此利。

為管管車空闕去處。以鹿角作補塞。凡戰士器械不

○鹿角即借作額之重也。

勞。馬馱乾糧。不煩自賚。別處伏兵。亦以鹿角作如車

管。自衛以俟。若使虜賊合眾對壘。彼用弓矢。止有百

步技能。我用鎗砲。動有三四百步威勢。如相持過久。

彼將分散搶掠。我則隨處起其伏兵。或首遏其驕橫。或尾擊其惰歸。前項車營取便策。應運無足之城策。不飼之馬。以臣所見。前項車兩。相應成造。大同以一千兩。宣府以五百兩爲則。計算每車用砲四箇。每箇生銅或生鉄俱用荒數二十餘斤。其車頭車廂鉄樁鉄箍等項。用熟鉄一百餘斤。除木料近蒙朝廷撥築墩之餘。即以作車動無遺。算以京軍採打數多。儘足選用。其餘無所措置。大同已行那借修造墩臺懸樓官鉄。成造戰車百輛。鹿角柞一千三百餘副。在官。諸色人匠俱各歇手。所在官軍。

疲敝之甚。分毫不可科擾。以挫其銳。以速其逃。乞

勅工部量支。係官生銅生鉄熟鉄各十萬斤。送至大

同宣府兩處。三七分收領。責成守臣於寧夏山西守

臣處顧募人匠。隨其前料。并各處炸碎鏡砲廢銅等

項。成造戰車。并器具若干備用。如果不敷。陸續另行

此係億萬年簡易守邊一策。今將戰車鹿角柞椿繩

式樣及畫下營臺營圖本開具。

一戰車式樣一輛 一鹿角式樣二副 一椿繩式

樣一副 椿十二根 繩十條 長者四條 各長七尺 短者六條 各長三尺 一戰車五

百兩每兩轅長一丈二尺下營圖一本檯營圖一本

可禦萬餘賊之用

一鹿角柞五十副每副長五尺下營圖

一本檯營圖一本

可禦千餘賊之用

一椿繩一百副每副

長五丈濶一丈下營圖一本檯營圖一本

可禦二三百賊之用

一下兵車營圖

周圍用車五百兩拽車者每兩十人鹿角柞五百副肩柞者每副一

人俱步軍共用五千五百人之上車外壕濶深各一丈營內可容馬隊官軍一萬五千之上可禦虜賊萬餘

一檯兵車營圖

周圍外層用兵車五百兩拽車者每兩十人裏層用鹿角柞五

百副肩柞者每副一人俱步軍營內可容馬隊并官軍一萬五千之上可禦虜賊萬餘

一檯

鹿角柞營圖

周圍用鹿角柞五百副每副肩柞馬軍一人共用五百人之上營內可容馬隊

官軍四五千人之上

一下椿繩營圖

周圍用椿繩五十副每副

椿十二根繩十條長五丈濶一丈椿繩外壕深濶各一丈營內可容馬隊官軍二三千之上可禦虜賊二

三百餘

一檣椿繩營圖

周圍用椿繩五十副每副椿十二根繩十條長五丈濶一

丈步軍一十二人持之共用六百人內可容馬隊官軍二三千之上可禦虜賊二三百餘

為邊務事

邊務

未嘗大敵須得整暇有餘此疏正非近來將帥可及

照得榆林一帶二十五營堡東西紫迂二千餘里額

設官軍兩班守備每班不過一萬二千五百員名在

在無險可據因為阿羅出等熟知鄉道自成化五年

以來秋冬則舉眾為寇春夏則潛退河套近邊軍民

多被搶虜，逃裏軍民，因之不安，仰賴朝廷憫念，陝西爲中原安危所繫，延綏爲陝西切近藩籬，添調京營，并大同宣府寧夏甘涼陝西等處軍馬，通計數萬，用勦前賊，頒給銀兩，起倩陝西山西河南三處軍民，或僱運，或借撥，或糶買，或預徵，或開中，或採打，多方設法，整理糧料草束，以濟軍餉，軍民困苦，不可勝言，復議財力費耗，恐致他虞，止留大同宣府山西寧夏等處，并兩班軍馬，相機戰守，又於去春料彼賊馬勞瘁，暫將前項軍馬，踈放休息，以此兩年之間，糧料草

兵案 功 遠 之 數 正 作 于 此

凍餽可支持，卽今黃河將開，臣等議得若使此賊卽
目盡數過河遁去，見在糧料草束已被費支殆盡，萬
一不去，不惟瘡痍軍民轉輸過勞，抑且遠來客兵久
暴於外，乞勅該部計議，合無趁今賊馬勞瘦，比照
上年事體，將大同宣府山西寧夏客兵并本處頭班
官軍俱於本年正月終旬暫放休息，通行陝西山西
河南三布政司上緊整理，今次奏討糧草，該部仍與
右都御史王越面議將來或增兵搜勦，或照舊防守，
至本年六月初旬，賊馬漸肥之時，通行星夜前來早

畢其事。若前項休息月日遇有小寇俱令本處軍馬相機戰守。若是大舉入寇，不拘前限。一面催取附近山西寧夏并大同宣府軍馬兼程前來策應。一面奏報令王越星馳前來。用濟緊急無事之時，令官軍牧放馬匹，量支銀兩，以償草價。此外預料不盡事宜，又在臨期處置。

處置邊務等事

處置邊務

臣會同右都御史王越并鎮守總兵等官議得虜酋孛忽始則與阿羅出等同入河套，侵擾邊方。次則阿

羅出勾引訖加思蘭聚眾為患後阿羅出被訖加思

蘭殺散遁去今字忽又引毛里孩男阿扯來党眾搶

掠前後四年雖累被官軍追殺終不退去推原其故

因此此虜孰知延綏地方險遠便於窺伺河套散漫

易於潛住且知我軍數少分守不敷為今之計必須

多調人馬相機勦殺俾賊進退窮迫必然遁歸但延

綏二十五堡東自清水營西至定邊營俱係邊賊緊

關處所馬草支費將盡安邊籌策預難定擬即日賊

馬瘦弱或難深入且自正月被我官軍挫殺之後到

難為力矣

此時虜人入套未久正宜窮兵追勦此不決後更

今離邊遠去，別無烟火。所據原調大同宣府山西寧夏并本處頭班官軍，宜照上年事例，暫發回還。本處休息，以省支費。俱限本年六月初旬前來。限內若有小寇臣等設法截殺，萬一大舉深入，又在隨調隨至，不拘前限。其王越合當乘此賊情稍寧，起身赴京，候三司管糧官多方設法僨運。比及賊馬漸肥時，月臣等通查預將運過糧草數目開奏。聽王越與兵部查照面議，延緩某城見積糧草若干，可屯軍馬若干，可勾幾時支用。或糧草充足，當圖大舉搜勦。或糧草不

敷當令照舊防守及軍中機務或事有當行而難爲。
人有可取而未任。臨時逐一開擬奏。請定奪。仍令
王越星馳前來以終其事。

地方事

一城池一邊牆一耕
作一將才一流民

節該奉 勅朕惟武備所以折衝禦侮衛國保民自
古有國家者莫不恃此以安茲者各處地方災異迭
見加以戎虜逼近邊陲防危慮患此正其時勅至爾
等即便會同巡按三司等官從長計議彼處弭盜安
民之術選將練兵之方與凡可以裨補事機重務者

逐一條陳以聞務在鑿鑿可行不許浮泛不切爾等
其欽承之欽此欽遵會同鎮守總兵巡按三司掌印
分巡等官議將裨補軍機重務開坐奏請施行

一衛國之計據西安府申陝西城池自古無水且城

○昔○城○之○所○引○之○水○下○小○池○之○

中井水苦鹹人吃多病宋時從東引龍首渠水入城

則可得防守

年久渠道崩塌土崖隨修隨壞致水或斷或續利用

日少缺用日多勞民傷財難以紀極况城中之用不

能周偏成化二年復從西引潏河之水自地各丈八

頭起修石閘一座樽節放水二分到於西門遠有一

皇明經世編

余肅敏集 城池邊壩 古 平露堂
卷之一 耕作將才流民

十五里穿城而過。儘勾居人之用。多餘者泄出城壕。年復一年。積滯過多。水面與城脚相等。譬如人之一身。水穀有出有入。方無壅塞。前項餘水有入無出。恐勢不待。目下卽有浸倒城垣。渰沒民田。損壞民居之患。似前耗力費財。勢所必至。原係三邊根本。親藩所在。不可不慮。合無從本城西北角地勢低窪去處。亦如丈入頭開渠一道。量泄前項城壕餘水。經過漢時故城。以達於渭。不過二十餘里。節財省力。其實在此。臣等議得前項軍民所告事體相應。若依今年秋收。

之後先儘操練軍餘民壯人等再行添募城中火夫併工修挑不必旬日工可就緒乞 勅兵部施行

一保民之計據西安府申延慶境外即係河套正統初年鎮守守備等官貪圖地名深井圍場寬濶易於

打獵水草便利易於孳牧地土肥饒易於收種於此

築城取名安邊營以為守備之處其實規利幹家之

○論之時○勢○使○之○耳○

意多保障地方之意少向後達賊每遇河凍踏水過

套不時入裏搶掠鎮守守備等官不過束手閉門只

聞失機未聞得捷成化年來官軍委靡又不如前成



化九年蒙鎮守分守等官計議量留官軍看守深井
舊城以爲截殺之所將安邊營大勢軍馬那入近裏
地名中山坡卽深溝兒就險守備深溝陡崖邊牆牢
固官軍易於戰守軍民易於轉輸縱有達賊在套軍
民耕牧自若高城深池隨修完固近該陝西布政司
將各縣成化十三年馬草共五萬三千四百束零起
運新安邊營便利倉將及起程間聞說延綏鎮守分
守等官不肯那移前項草束仍要送去深井舊倉上
納百姓不堪告乞施行等因臣等查得巡撫都御史

馬文升等各照地方歷舉安邊之策內一欵延綏西路定邊安邊二營正統初年開創俱係平漫沙漠去處難於打牆挑壕近年因是相去路遠於定邊東空添築永濟小堡按伏馬一百餘匹接濟飛報軍情及鎮靜堡軍馬原守塞門今那於地方畢家梁前項五營堡俱各水苦且遠人多生病馬不長廕內定邊新興安邊永濟四營堡賊易窺見虛實軍馬難於出入前項鎮靖堡已行奏准仍守塞門其餘四營堡俱各那移就險而守但定邊營接連寧夏花馬池營我固

便利彼無隣援。合當照舊不動。合無將新興堡那於
迤南古跡海螺城安邊營那於迤南地名中山坡永
濟堡那於迤南地名上紅寺鎮靖堡不必那回塞門。
却那於迤北白塔澗口前項海螺城中山坡上紅寺。
多是削山爲城。因欲伏兵放馬。俱已削城。修有門禁。
就可搬移。逐漸修理。其白塔澗口就決灘河迤南之
險。其河深有二三丈。遠有一百餘里。事成之後。定邊
新興安邊永濟寧塞靖邊鎮靖龍州八營堡。以守則
固。以戰則利。况常年不須民間運納穀草。但得納戶。

就彼採打野草足勾供給該兵部題奏欽遵外今告
前因乞 勅兵部行令照依前該會官連名奏請施
行

一安民之計據西安鳳翔二府所屬咸寧長安鳳翔
等州縣里老連名狀告延慶邊方。正統初年蒙上司
恐軍民境外種田引惹邊釁埋立石界嚴加禁約人
知遵守邊境晏然向後官豪人等越界種田頭畜徧
野達賊窺伺搶掠蒙 朝廷西顧重以爲憂遠勞禁
兵及四集大同宣府甘寧陝西軍馬併力戰守老師

費財難以數計。幸而達賊悔過，退遁河外。即今軍民

瘡痍未復，稚弱未成，復聞沿邊把總守備等官未審

奉何明文，又將邊牆以外，烟墩以裏，堪種地土丈量

種菜，未免引惹邊釁。又似往年遠近聞之，無不驚疑

等因。臣等議得延慶沿邊一帶，正統初年該鎮守陝

西都御史陳鑑經理邊務，埋立界石。彼時軍民依界

種田，不敢纖毫違越。未聞難過。近年營堡多有移出

界石之外，遠者七八十里，近者二三十里，越境種田

引惹賊寇，節該建議嚴禁，皆蒙俞允。今前項人民所

崇正下，耕是也。

邊界所在，宜避為開田，如吳、韓、分、劉、江、淮、之、間，各○

告果實緣邊墻至烟墩如清水營一帶中間多有耕
種百里者誠恐此弊一開末流無所不至萬一被把
總官員將地土霸占派令軍人代種或歲有旱澇而
追租無旱澇人有逃亡而追租無逃亡往時覆轍今
猶在目爲今之計當思種菜之舉比之兵連禍結勞
民傷財孰爲輕重况堅壁清野古今禦寇一策卽今
陝西地方災異非常人心洶洶恐於時政未宜合無
將原降 聖旨榜文并各官建議邊墻圖本內事理
重與申明乞 勅兵部施行

一選將之計。有十萬人之將。如都指揮以上之類。有萬人之將。如指揮之類。有千人百人之將。如千戶百戶之類。陝西地方。十萬人以上之將。能稱厥任者。雖

為萬人之將。此亦非易材矣。

不多見。其萬人千人百人之將。容或有之。此等官員。非軍功不陞。但中間或有被奸人排陷。如遇勘問官員。畏避嫌疑。不肯擔代。卽罹禁錮。後雖改過。終身帶俸。差操不許管軍管事。在在缺員。職此之故。合無今後此等官員。三五年後。果能改過自新。照依舊例。聽鎮守巡撫。按并三司官。從公奏保。前項官員。有一

不願者恐非公論。不許輕易施行。所保官員再犯貪淫等項者。方纔終身不錄。如此則人有自新之路。政無下舉之理。乞 勅兵部施行。

一善後之計。照得近該都御史原傑欽奉 勅諭處

置荆襄等處流民編排里甲納糧當差。既設都司衛所控制。又設府縣管束。百戶逋逃。一旦安枕。弄兵扇

當今流寇多在此○境可見經理之難

禍之輦。盡變耕田鑿井之民。但事方垂成。原傑物故。雖是新設巡按御史難行便宜之事。誠恐前項盛舉無官督責。未成者中止。已成者遽廢。臣等境內如山

陽商南等縣亦在處置之數固已就緒使別處未效
壤地相接亦爲無益合無仍命廷臣一員亦如原
傑所奉勅諭加重付託務責三二年內完報如此
則前功不棄後患潛銷乞勅戶部施行

地方事 鄖陽

巡按湖廣御史吳道宏等題照得荆襄鄖陽西安漢
中南陽六府州縣數千餘里皆深山大箐窮谷茂林
其中土地肥美物產富饒自古及今聚隱盜賊臣徧
歷所屬督修道路自鄖陽一抵西安一抵漢中一抵

此○地○山○多○人○少○易○子○穴○伏○至○今○竟○

○今蜀之大

南陽增置舖舍。疏鑿險阻。今商旅絡繹不絕。公文四

達無留。居民樂業。政令流通。尚慮接境四川一邊南

起夔州。北連保寧。其間所屬大寧巫山廣元等處。崎

嶇千里。險惡萬狀。物產茶鹽杉鉄之利。往者劇賊石

和尚劉千斤。皆自大寧巫山突入荆襄。小楊兒輩亦

今開流賊有入蜀者彼以出令以入也

自保寧潛跡漢中。殃及流民。勞我師旅。合無行令四

川鎮守巡撫等官。會臣計議。督令分巡分守等官。通

將前項接境地方。踏勘體量。要見何處可以開修道

路舖舍。何處可以增置巡司軍堡。各照地方如法整

治務使萬山之中烽候相接行旅無虞四通入達悉不待其人

抵鄖陽遇有賊情亦要彼此開報會合應援倘若違

慢亦聽糾舉奏抄到部參照吳道宏奏要會同四川

鎮守巡撫官將夔州保寧所管地方開修道路舖舍

增置巡司軍堡以達鄖陽以便弭盜一節深為有理

但夔州保寧二府地方廣濶人民稀少若將所擬數

事一時並舉不無人心疑慮難責近效合無行移梅

忠張璜吳道宏各委四川湖廣三司分巡分守官員

係四川者親詣夔州保寧二府所屬大寧巫山廣源

係四川者親詣夔州保寧二府所屬大寧巫山廣源

等處係湖廣者親詣四川前項地方接界去處各再從宜勘議先其所急如果道路可開將該修道路量起地方居住人役令自備器具於今年冬末來年春初農閑時凡用工加法開修平處務濶丈五險處亦濶六七尺俱要達於鄖陽具實回奏如或轉委屬官致事無成聽吳道宏糾舉候人心喜見成功無所疑慮然後經畫何處應修舖舍何處應增巡司軍堡另行奏請定奪

添設將官事

遼東添設將官

鎮守遼東太監葉達題稱會同總兵巡撫等官殿信
陳鉞等議得建州三衛夷人世受官賞給與印信管

束人民先在幹木河地面居住與七姓野人有讐投

前投朝鮮縣令反被其國都盛來擊臣如此

奔朝鮮又與本處爲惡被其征勦無處棲身節次赴

京具奏 朝廷嘉其慕義准令那來遼陽迤東蘇子

河一帶居住通年往來朝貢自成化二年恃負國恩

糾集醜類累犯遼陽等處地方搶掠五十餘次人畜

虐弄不可謂從末已然

不下數萬以觸天威震怒遂將元惡董山等二百五

十餘人俱留廣寧監禁致死動調大軍抵巢征勦但

爲總兵等官遽爾班師奏捷罔底成功。遽今節次構
結海西賊衆，攻圍清河等堡，搶殺屯寨人畜。若不早
爲設備，勦殺不免。又似昔年之患，今看得分守錦義
二城右叅將崔勝生長遼陽，頗有謀勇，熟知地里，下
人信服。乞將崔勝命克遊擊將軍，於各城選取精銳
馬隊官軍二千員名，并召有東寧等衛土人，俱令本
官統領前去遼陽沿邊一帶駐劄。遇有警急，就便相
機戰守。如賊勢衆大，一面量調隣近城堡官軍分投
抄勦。一面令副將韓斌、周俊併力夾攻。仍飛報臣等

調兵應援。務要謀有素定。事出萬全。但慮軍馬數少。分調不敷。廣寧原有京營調操官軍三千員名。俱係永樂年間奉天征討人數。到今五十餘年。近於成化八年。爲因邊方稍寧。取回京操。仍乞添調前來。隨同遊擊將軍殺賊。庶使醜虜懾服。邊境寧謐。奏抄到部。臣等切惟建州等衛女直。本以犬羊賤類。仰荷朝廷設官降印。使在羈縻之類。送往迎來。以示懷柔之恩。百餘年間。遼東一帶將官得人。兵備整饬。以時朝貢。無敢輕犯。近年以來。兵備廢弛。糧草蠹耗。致伊輕

視漸致不臣。本年自九月到今，舉衆深入清河、駿陽等堡地方，如蹈無人之境，人畜被其搶虜，官軍被其損折。今葉達等思患預防，要行添設遊擊，召募土兵，誠爲地方至計。但遊兵一設，未免於各營堡挑選團操以軍士一身兩處爲家人將內顧情，或不堪其退。回京營輪班官軍一千四百員名團操甫定，又復更張，恐致嗟怨，徒勞無益。況數目不多，縱令盡去，不爲輕重。合無准其所奏，毋以傳報夾情爲虛言，毋以近行撫諭爲足恃。添設中路廣寧叅將一員，就將所舉

崔勝請 勅賚與欽遵於總兵官所守地方內挑選
官軍二千於副總兵所守地方內挑選官軍一千再
行召募土人令崔勝親領於遼陽地方賊犯去處會
合副總兵韓斌往來殺賊聽都御史陳鉞親臨節制
及行戶部整理糧草定奪給賞土人銀兩候地方寧
靖官軍散回原處土人踈放寧家崔勝令於廣寧駐
劄以後有警亦依前例行事無警於該操時月往來
總兵所部官軍二千提調操練俯就軍士以遂安養
另推叅將一員代替崔勝分守地方

外夷侵占地方事

安南侵占

總鎮兩廣太監顧恒照得委官勘過龍州原奏安南邊境侵爭田地立營近河添兵霸守等情內稱行拘該州目老農楊等審得本州所轄羅回峒原於江南立隘其剝淦營傍那郡三村俱係守隘村分到江爲界地名丘沐一帶地土交人不曾耕種三村人民先年過江私自開耕成業成化六年交人譚莫等在於丘沐嶺一帶沿江埋立排柵起蓋營盤成化十一年又行栽添竹木接近江邊不曾越界侵占三村人民

只是不得過江耕田。因此告爭。再三研審。交人素係
自守疆界。別無越境侵占田地情繇。臣等議得龍州
邊境與安南所屬太源等州縣邊方。委的原隔一河。
其河外丘沐嶺地方。雖境外空閒之地。先年龍州官
民與彼夷民往來和好。以致剝淦等村居民過河開
種田禾。埋塋墳墓。後加偷竊往來招嫌致怨。但安南
國假此守邊之名。迫近龍州之境。聚設營柵。屯兵哨
守。使剝淦村民驚疑嫌怨。構結至此。合無請 勅安
南國王。差的當人親詣太源等州縣邊方。戒諭在邊

○此○越○境○往○來○所○以○為○構○結○之○端○也

夷民各要照舊保守本境地方安生樂業。盡將龍州所奏上沐等處附近羅回剝淦等村沿河一帶營柵兵守俱各掣回。庶免驚疑不生嫌怨。今後邊民敢在過河越境種田牧養偷竊生事擾人者。就便擒拏解回本州痛加懲治。

增重國體事

四夷通事

武選清吏司照得四方夷狄自開國以來陸續開設衛所及宣慰宣撫安撫招討長官司等衙門百餘年間恩威並舉朝貢各有限期賞例各有等第懷柔之

道曲盡無遺。凡四夷赴京朝貢有印者自有印信。番文無印者自有白頭番文。連方物俱赴沿邊。應該起送衙門。差通事并官舍伴送前來。訪得近年以來。有等小通事。自恃能專其事。誘取夷人貨財。中間有不與者。動輒交通來路通事。并伴送官舍。巧爲詞說。務動其心。與其捏寫番文。連篇奏進。及查所奏事理。率皆謬妄之言。只得勉爲撫諭。畧其罪責。甚非增重國體。抑且貽笑外方。案呈到部。照得通事之設。本爲傳譯四夷言語。以通其情。有一句傳譯一句。有十句傳

譯十句不妄爲加增。正統士木之變止以遺事○結不曲爲減少。庶盡本等責任。今人誘引也先非分○求請至生○嫌隙此造務安危所係小通事懷奸至此。法律不原。合無將今年見在朝貢

夷人求討番文。行令御前荅應。大通事都指揮等官

詹昇等會同本部該司官督令小通事逐一當面審

勘。要見所進番文係是夷人某人自寫。就行給與筆

墨。令其重寫。如其不能。就行追究。何人代寫。其代寫

之人。得到是何賍物。來路通事。并伴送之人。有無知

情。通行奏送法司問罪。仍明白將夷人省諭姑宥之

罪。今後再不許聽信交結。此等奸人。哄惑。如違治以

重罪。雖悔無及。仍行遼東甘肅陝西四川雲南貴州
湖廣廣西等處鎮守總兵巡撫巡按三司等官各行
所在起送官司。今後凡有夷人進貢。即便拘其來路
有印無印番文。用所在官司印信護封。另行具本付
應差通事伴送官舍賚進。候到鴻臚寺報名。即便通
報大通事親自審勘前項護封番文數目相同。本寺
照依常例引見。以後有求討。大通事仍會本部該司
官同約夷人令其當面親筆。將前項事情自寫番文
大通事與其封進。照例番譯送科抄出施行。

大通事與各邊夷人賧遞或無別情

修舉邊備事

一恩典一官軍一鎮
守一提督一周謀

巡撫四川都御史孫仁題稱松潘東南二路番夷作惡年復一年制馭之策惟在撫剿兩盡而已自洪武初年克服以來於各番開設安撫司長官司衙門擇其豪酋授以安撫長官俾各管束所屬無非所以撫之也而未嘗不勦焉及於松潘茂州各置一衛疊溪小河各置一所東南二路各立關堡積蓄糧儲屯駐軍馬有總兵叅將之官以揭其綱有提督巡守之職以張其目無非所以剿之也而未嘗不撫焉撫剿兼

行恩威並著。制馭之策盡矣。但蠢茲醜類。生齒益繁。而我之邊備。亦或廢弛。修而舉之。豈容少緩。內關堡墩臺倒塌。橋梁道路傾頽。賣放軍士。尅減行糧等事。節經會同鎮巡等官計議。次第禁治。修復不敢煩瀆。聖聽外。其申明五事。皆切要邊備。緣責任在人。乞勅該部詳議舉行。

一 申明恩典

前件照得雲南貴州廣西湖廣四川土官襲職定例。具在順天八年三月初八日欽奉 詔書之內。

應該本部行委三司御史體勘定明會奏行令就
 冠帶襲職及有成化十三年二月初十日申明奏
 行例照舊土官襲職六品以上者納穀一百五十
 石以備荒其間有洪武永樂年間各因撫安頑民
 或因從征進有功除授土官以後子孫為因讐殺
 或以爭職等停革止做把事冠帶舍人等項名目
科索不宜拘情保奏當以舊例開諭使之遵奉別法
 停革遠年者毋一槩納穀朦朧奏保承襲土官照
祀肅而夾情悅矣
 舊止襲把事冠帶等今孫仁奏稱松潘一帶安撫
 司長官司番人貧窮者無米俱不承襲私自冠帶

土官承襲不得分外

止將印信相傳掌管。要拘審勘。應襲明白代其奏請。奉有明文。就彼冠帶管事一節。上以尊崇國體。下以俯就夷情。深得制馭之策。但恐前項土官中間多有因事停革。年遠不該承襲之數。合無行令本官會同鎮巡等官。將前項未曾襲職。私自冠帶土官。通行查勘。不究已往之罪。分豁某人該襲把事。某人該襲冠帶舍人。無力納米。某人因爲某事停革。年遠不該承襲。各具不扶保結繳報。就因定名會奏。另作施行。

一 選練官軍

前侏四川松潘茂州威州一帶衛所及東南二路關堡能知地利險夷賊情虛實武藝精熟官軍止合分爲二等頭等專事攻戰次等專備防守務令兵將相識不許私自更代敢有故違卽於戶口年貌籍貫冊內查驗是實治以重罪勿事姑息其鎮巡等官往來提督征操躬親比較明示賞罰等事悉照所擬施行

一 鎮守往來

前件孫仁要將副總兵堯或、右叅將傅泰、務要照舊互相往來巡視。劄傅泰一巡直至松城堯或一巡直至茂州。若有不遵聽鎮守撫按官叅究。則官軍知畏。邊備修舉。况各官往來隨從。并各關堡官軍。動以千數百計。若將爲惡寨賊掩其不備。出其不意。相機設策。以攻剽之一節。悉如所擬施行。但副叅分守地方界內關堡墩臺橋梁道路等項。照舊各自督令所部修理。不致紊亂。分守成命。抑且可以顧籍所守職業。其餘往來耀武揚威設策。

馭夷等事不許互分彼此務須一體責成庶幾往來不爲虛應故事

一 提督巡視

前件孫仁所言松潘南路歸化鎮平疊溪長寧東路三舍關堡尤爲總要。比先各添設提督都指揮

一員各帶官軍三百員名在彼駐劄各照地方往

來巡視遇有番賊出沒就便追捕截殺及護送糧

運其法甚良近年以來不知添設之繇各帶家小

經年累月止在各該關堡或私役賣放不過行文

切○賊○出○汗○不○意○故○預○時○時○巡○視○在○我○常○有○驚○殺○使○之○不○敢○作○過

帶人與兵勇不同常與中國往來或因



虛應故事。視賊縱橫。若無干涉。但每處一員。常年巡視。不帶家小。人情弗堪。要行鎮守。巡撫官。公同推委。堪任提督。都指揮。或指揮千戶。每處二員。共十員。分爲兩班。一年一換。各照原定地方。提督往來巡視。遇有番賊出沒。就便親率巡視守備官員。相機追勦。截殺。不許似前將帶家小。關堡住坐。一節。悉如所擬。選委都指揮。指揮十員。分爲兩班。各帶官軍往來巡視。一年一換。若所委間有指揮聽以都指揮體統行事。所部指揮敢有輕視怠事者。

卽爲依法治之。不必選委千戶。致難壓服人心。

一密行間諜

前件務仁所言。各番巢寨。悉在高崖深箐。地險人強。若欲攻之。無如行間。若多擇能說番語。諳曉番情。乖覺之人。以爲通事。或令其往彼礮寨。或覘其來我關堡。醉之以酒。飽之以食。賂之以金銀布帛。以投其好。以誘其心。向此寨則曰。某寨番牌。欲謀官軍。官軍來將汝殺。向彼寨則曰。某寨番牌。欲謀官軍。來將汝擒。俾之自相猜疑。互生讐隙。然後欲攻此

若人愚。而易誘。此已足再制之矣。

則謀之彼欲攻彼則謀之此或以其人爲鄉導。或用其寨爲老營。或募彼壯健克我先鋒。果或成功。厚賞勿吝。要行鎮守巡撫轉行總兵叅將等官。務要慎擇行間之人。密施攻剿之策。及命四川布政司量支官錢。送赴各邊收貯聽用一節。但攻夷間之術。止可用之於一人。行之於一時。前項所擬俱聽相機隨宜而行。若先機泄漏對衆宣揚爲兵家所忌矣。

一明經世文編卷之終